

درسعادته یکی پوسته خانه فارشوسنده
دائرة مخصوصه در

هل اراره:

مسائل فلسفه

۱۳۲۶

مسلک مزه موافق آثار جدید مع المنوبه قبول اولنور
درج ایدیلین آثار اعاده اولنور

دین، فلسفه، ادبیات، حقوق و علوم دین باحث هفته لق رساله در

مؤسسلری: ابوالعلا زین العابدین - ح. اشرف اید

سنه لکی الق ایللی

۳۵ ۶۵

۵۰ ۹۰

۵۵ ۱۰۰ غروشدور

درسعادته

ولایاته

جمالك اجنبیه ده

تاریخ تأسیسی:

۱۱ نموز ۳۲۴

درسعادته نسخه سی ۵۰ باره در

قیریلده دن مقوا بورو ایله کوندریلیرسه سنوی
۲۰ غروش فضله آلنیر.

درسعادته پوسته ایله کوندریلیرسه ولایات بدلی اخذ اولنور.

برنجی سنه

۳۲۶ شوال ۱۰ پنجشنبه ۲۳ تشرین اول ۳۲۴

عدد: ۱۱

نفسیه شریف

— مابعد —

متعاقباً شوسه و ذهولک آثار قبیحه سندن بولنان ریا کارلق و منع
ماعون ایله توصیف اولمشلردر مقار جدیت و حقیقت و صرف تمایش
وساخته کارلقدن عبارت ریا صفت ذمیمه سی ایکی شبهه آیرماقده در .
برنجیسی ریای نفاقیدرکه کوسترش یوللو نماز قلمق و خلقه خیرخواه
کورنمکدر . ایکنجیسی ریای عادیدرکه اجرا اولنان بر عملک روحی،
نفعی، مقصد و قوعنی در پیش ملاحظه ایتیه رک، اسرارندن بی خبر
بولنه رق، وظائف دینه ده تقرب الی الله فکرندن دور اوله رق مجرد
اتباع عادت طریقله ایقاع عملدن عبارتدر .

ایشته اکثر ناسک نمازلی و سائر عملاری بوقبلنددرکه انلر دور
طفولیتلری ائشاسنده پدربلرینه، والده لرینه تقلیداً محاکات صوریه
نوعندن اولمق اوزره، روح عملدن بی بهره اوله رق بر طاقم حرکات
وسکناته داواندقلری کبی سن رشد، بلوغ و دائرة تکلیفه دخوللرندن
صوکراده عین صورتله تدقیق و تبصردن عاری نوع نوع نمایشلرده
بولنیورلر. افعال سالفه لرینه نسبتاً ذره قدر بفرق ابرازینه چالشمیورلر .
بناء علیه سعی وامللرندن برشمه، بر نتیجه حسنه قازانه میورلر . عبادتله
نده بر لذت، بر حلاوت حس وادراک ایده مدکلرندن ناشی یایقه رق،
اوصانه رق کلیاً ترک، یاخود رمضان شریف کبی ایام مبارکده آره
صره اتیان ایدرلر . شوق و ذوقدن عاری اولان عملارک نتیجه سی باشقه
نه اوله بیور .

احادیث شریفه دهه بولنلرک مسلك عاقلاری ذم و تقبح، انجم

کارلری و خم اولدینی تصریح بیورلمشدر . (ان من لم تنهه صلاته
عن الفحشاء والمنکر لم یزد من الله الا بعداً) حدیث شریفی بوجه دندر.
معنای شریفی! هر کیمی قلده فی نمازله فحشاء و منکر دن منع ایتیمورسه
کوندن کونه رضای حقندن تباعد ایتمش اولور . بویله عبادتله رک،
شایان قبول اولمیان بوتون اعمال سخیفه نك یوم قیامتده کهنه پچاوردلر
کبی صاحبیلرینک یوزینه آتیوریلرجه کبی ده حدیث آخرده بیان اولمشدر.
(ماعون) بنی آدم اراسنده بلا تفریق جنس و مذهب تعاطیسی
معتاد و متعارف بولنان معاونت و لوازم انسانیتدرکه بونک ایفاسندن
بیکنانه طورانلری ده آیت سالفه زمرة منافقیندن عد ایدیور .
(استعانه) استدعای اعانه، طلب توفیق ایله تفسیر اولنور. « اعانه »
مستعینک بنفسه ایفاسندن عاجز بولندینی عملک اتاننه مساعد اولمق،
کندیسنه یاردم ایتمکدر .

(بلاغت)

(ایاک) ضمیر منصوبنک عاملی اوزرینه تقدعندن مستفاد اولان
حصر عبادت و استعانه برهان عقلیه مطابقدر . « ایاک نعبد » ایله
جناب باری « جل شانہ » حضرتلری بزه منحصرأ درگاه سبحانییه
عبادت ایتکی امروفرمان بیوریور . هیچ بر شرع الهیده آخره
عبادت تجویز ایدله مشدر . زیرا سلطنت سرمدیه و تأثیر حقیقی ذات
مقدس الوهیته مختصدر . بوتون قوای بشریه و آلات و اسباب
سائرهی خلق و ایجاد بیوران و اسباب عادیه خارجنده تأثیرات عظیمه
و خارقه حصوله کتیرن انجیق معبود ذوالجلالزدر . کندیسندن باشقه
موجد و مؤثر اوله حق فردواحد، صفات ازلیه سنده شریک و شبیه
عد ایدیلرجه کالهدیکر یوقدرکه معنای معروض ایله عبادته لائق،
تعظیم فوق العادیه مستحق اوله بیلسون .

« وایک نستین » ایله ده جناب حقک غیری کیسه دن استعانه ایتکه امکان و مساع اولمادینی افاده قلینور . بودخی مقتضای عقل و موفق برهاندر . فقط تماماً وضوح حقیقت ایچون بر مقدار اطنا کلامه لزوم واردر . چونکه « رتاونوا علی البر والتقوی » [۱] کی نصوص قرآنییه ده « تعاون » وظیفه سیله ، یکدیگر مژدن استعانه ایله مأمور بولندیمزده معلومدر . بوحالده استعانه عبادک درگاه خلاقه اختصاصی نه وجهله صحیح اوله بیلیر ، دییه حصر مذکوره دائر بر اشکال ، بیانات قرآنییه آراسته تنافی توهمندن ناشی برسؤل وارد خاطر اولیور .

بزبوا اشکال و اعتراضی بوجه آتی دفع ایدرز: نوع شرک مباشر اولدینی اعمال و اشغالک فیضبخشای منافع اوله تعلق مقتضای سنت جاریه و حکمت باله آلهیه اواق اوزره هر عمله مناسب بر طاقم اسباب و آلاتک تکالی ایله برابر بالجه موانع طبیعه ک زوال و اندفاعنه ، هر درلو مغل انتفاع و مؤیی خسران اوله حق عوارض و آفاتک اورتهدن قالمسینه وابسته بولمادینی آشکاردر .

مناسرتی اسماعیل مفی

[۱] آیت کریمه ک تمای « ولاتعاونوا علی الایم والعذوان » در معنای شریفی ! ای مکاین ! هر نوع بر وتقویه دائر تعاون ایدیکز ، اثم و عدوان حقنده تعارن ایتیکز « بر » توسع فی الخیر ایله تفسیر ایدلکده اولسنه مبنی خصوصی و عمومی بوتون احتیاجات بشریه تسویه سنه مدار اوله حق تشبثله شاملدر « تقوی » دین و دنیاچه مورت مضرت و باعث فلاکت و عقوبت اوله حق منهایت و محرماتک هر نوعدن مجانبت دیمکدرکه بوکارعایت ایدله دیکه نه امنیت و آسایش تقرر ایدر ، نه ده تشبثات خبریه لائق وجهله فیضبار سعادت و ترقی اوله بیلیر .

« اثم » بر مذکوره مقابل بوتون شرور و معاصیه شاملدر « عدوان » ظلم و تعدی مراد فی ایسه ده بر جوق کیسه لر بیننده ظلم و جور باینده تعارن و تشارک بادی اضمحلال انام اوله حق اک مدعش بر معامله و حشیانه اولسنه مبنی تخصیص بالدر بیورلشدر .

شخص ظالمک افعالی مدح و ترویج ده ظلمه اعانه اولدینی امر آشکاردرکه « من اعان ظالماً سلطه اه علیه » حدیث شریفک محتویاتنده داخلدر . حتی « رکون » تعبیر اولان ادنا مرتبه ظلمیه میل قلبی و تشبه ظاهری بیهل حرام قطعی اولدینی « ولاترکنوا الی الدین ظلموا فتمسکم النار » نص جلیلی ایله ثابتدر . اودت ! ظالمه ده نصرت و معاونت مشروع و بلکه فرض عیندر اما « انصر احاک ظالماً او مظلوماً » حدیث شریفنده مبین اولان طرز و صورتده اولق شرطیه ! برکون جناب رسالتاب افندیز اصحاب کرامه خطاب عام ایله « اخوانکزه » ظالم اولسون ، مظلوم اولسون نصرت و معاونت ایدیکز » بیوردیله . اصحاب یارسلو اد مظلومه نه صورتله نصرت ایده جکیزی بیورز فقط ظالمه ناصل نصرت اولنور « بونی یایارسه ک بزه ظالم اولمازی بزه » دیدیلر . جواباً بیوردی که « ظالمه نصرت اونک الی طوتوب کنه دینی ظلمدن منع ایتکه اولور » فی الحقیقه بومعامله ظالمه ده بویوک خدمت و عنایت عداولنورکه بوسایه ده وزر و وبالدن تخلص ایدلش اولور .

شرک ولی نعمت عرفان و حریتی اولان ادیب اعظم حضرت کمالک هرمناسیله وارث حقیقیسی ، شاعر آتش زبان علی اکرم بک ، بونسخه منهی شویله برنشیده کزین حماستلیله ترین بیوریورلر:

عثمانلی بایراغنه !

۱۳۰۲ سنه سنده خطاب روح مجروح شباب

سنجاق شهدای دین ایکن بز ،

عثمانلیغه مثال ایدک سن :

خوناب شهادنه بوروندک ،
تاعرشه چیتوبده آلهانه
بر شن ایله طالمه کوروندک ،
رشک آور ایدک جهانیه
کوکلرده شفقار اولدی تابان ،
اطرافکه طوپلانیردی حوران ،
پارلاردی یوز کده نور یزدان ،
ایواه که بز قالمجه حسسز ،
بر مجمع نور اولان برکدن
دوشدک شوخرابه سیاهه !

§

دوشدک یره پاره پاره دوشدک ،
حقبرلری تترتوب سقوطک
هپ قانلی کفنه چیقیدی اجداد ،
امدادکه اولدیلهر شتابان .
اجزاکه صارلدیلرده اجساد ،
هوتالره قالدی حفظ بلدان .
عالمی طوندی رنگ ماتم ،
جوش ایلدی ناله محرم ،
ملت ینه قالدی شاد و خرم
صاغرله طولو مزاره دوشدک !
اغلامدی کیسه بی هبوطک ،
شایسته کورولمک نکاهه

عثمانلی بایراغنه !

۱۳۲۴ سنه سنده انجذاب روان مباهات

« ۱ »

یوق یوق دکل : بوکون فیضان صمودکه
اولمش صحائف ابدیت کشاده روح ،
آچمش سمای قلب و ذکا سینة فتوح
قان آغلایان لقا که ، مهج سرودکه !
یوق یوق : بزمده وار بوکون ارتق حیاتر
اولمکده رنگ آک ایله قالی بر کفن ،
روح شهید ملت اوچار اجرارکه ،
عثمانلی قانلریله نور عذرکه
تکبیر نشوه رفرفه تابدارکه
قربانز ایشه کوکله عکس ایلینجه سن ،
پارلار شفق شفق آچیلیر کائناتر !
سنجاق ! طوغونجه طالم بالاده شوکتک ،
پرواز ایدر خدایه قدر فکری ملتک !

« ۲ »

تاریخک آسمان منور لفا سنه
سنجاق وجودک اک متعالی سروش ایدی .